

Boris Vukušić, diplomirani pravnik - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Boris Vukušić, diplomirani pravnik
Naziv Teme	Nordijska kooperacija kao potencijalni model reforme imigracijske politike i politike zapošljavanja u Bosni i Hercegovini
Rezime/Abstract	<p>Predmet ovog rada je analiza potrebe i mogućnosti primjene specifičnog koncepta regionalne kooperacije u pogledu imigracijske politike i politike zapošljavanja u Bosni i Hercegovini. Bosna i Hercegovina, već duži vremenski period, stagnira ili bilježi negativne trendove u ključnim socio-ekonomskim oblastima (demografski parametri, obrazovanje, zapošljavanje, socijalna sigurnost, rast proizvodnje i nacionalnog dohotka), a parametri koji argumentiraju ovu tvrdnju su vidljivi iz statističkih biltena i svakodnevnog života. Upravo u tom kontekstu, evidentan je enorman disbalans koji postoji među segmentima zatvorenog kruga koji čine bh. demografski sistem, sistem obrazovanja, sistem zapošljavanja i sistem socijalne sigurnosti. Samo u 2016. godini iz Bosne i Hercegovine se trajno iselilo oko 68.000 osoba, mahom produktivnih u dobi od 15-64 godine, a negativan efekat koji će emigracija ovakve dinamike iz Bosne i Hercegovine, kombinirana sa većim mortalitetom nego natalitetom, ostaviti na populaciju koja broji oko 3,5 miliona stanovnika već je vidljiv (intenzivna deruralizacija, pad agrarne proizvodnje, disbalans uvoza i izvoza, sve teža kontrola stabilnosti vanbudžetskih fondova i druge). U kontekstu euroatlantskih integracija 2015. godine na snagu je stupio Sporazum o stabilizaciji i pridruživanju između Europske unije i Bosne i Hercegovine. Pomenuti sporazum, između ostalog, insistira i na slobodnom regionalnom protoku radne snage, kapitala i usluga. Ovaj zahtjev, postavljen pred državnu vlast, predviđa urgentnu reformu javnih politika, uključujući i politiku imigracije i politiku zapošljavanja. Međutim, država, do sada, nije načinila konkretnе i ciljane poteze u ovom pogledu. Zbog toga postoji opravdana potreba za analizom ovakve vrste koja kreatorima javnih politika može biti smjernica za buduće efikasno djelovanje. U regionalnom kontekstu, Bosna i Hercegovina i države njenog okruženja tvore blok koji je specifičan, promatrajući to sa zajedničkog istorijskog, etnografskog, kulturnog i ekonomskog aspekta. Vrlo sličan blok čine i nordijske države (Švedska, Danska, Norveška, Finska). Razlika između dva pomenuta bloka je primarno sadržana u nivou ekonomske razvijenosti, posljedično i nivou socijalnog blagostanja. Ova razlika je, skoro pa apsolutno, proizašla iz činjenice da nordijske države imaju međusobno otvorene granice, fleksibilnu imigracijsku politiku i slobodno tržište rada, dok Bosna i Hercegovina i države njenog okruženja, još uvijek, imaju znatno rigidne imigracijske politike i politike zapošljavanja stranaca. Uzevši u obzir pomenute zahtjeve koje pred Bosnu i Hercegovinu u procesu pridruživanja postavlja Europska Unija, te sličnost bloka nordijskih država i država bivše Socijalističke Federativne Republike Jugoslavije, ovim magistarskim radom je provedena analiza pozitivnog prava (de lege lata) kojim je regulirana imigracijska politika i politika zapošljavanja stranaca u Bosni i Hercegovini, provedena je komparacija sa pozitivnim pravom Europske Unije i Nordijskih država kao i država neposrednog bosanskohercegovačkog okruženja, te su, na tom temelju, date smjernice mogućeg pravca reforme imigracijske i politike zapošljavanja stranaca u Bosni i Hercegovini (de lege ferenda). Ključne riječi: Bosna i Hercegovina, Sporazum o stabilizaciji i pridruživanju, imigracijska politika, politika zapošljavanja, kooperacija nordijskih država.</p>
Datum	27.08.2019
Predsjednik	Dr. sci. Maša Alijević, docent, Uža naučna oblast „Državno i međunarodno javno pravo“, Pravni fakultet Univerziteta u Zenici
Mentor	Dr. sci. Faruk Sinanović, vanredni profesor, Uža naučna oblast „Upravno-pravna“, Pravni fakultet Univerziteta u Tuzli
Član komisije	Dr. sci. Anita Petrović, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Član komisije	-
Član komisije	-
Zamjenski član	Dr.sci. Zenaid Đelmo, redovni profesor, Nastavni predmet: „Upravno pravo i upravni postupak“, Pravni fakultet Univerziteta u Bihaću
Dodatni detalji i lokacija	dana 27.08.2019. godine sa početkom u 15,00 sati na Pravnom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.